

遊雪竇記

李濂

余少閱宋大觀四明圖經慕雪竇之勝嘉靖改元夏五月旣望清戎奉川公暇遊焉奉川有江翁者桂林守同年朝儀之父也請治具遲於日嶺余清晨出郭屏騶北走仄逕逶迤松椽蔽日行聞若泉澗溜錡磕之聲如千鯨萬鼉哄鳴劇和耳目應接無不冷然喜也逾十里始抵日嶺之麓乃循磴而升僕夫組輿層級盤雲視不可下及嶺之巔有亭翼然榜曰烏峰者日嶺之別名也亭左壁有元袁學士橋記絕頂有巨石亭亭屹立圍數層高百餘尺偃而頡銳而肖髻故土人呼爲新婦巖又曰夫人山云禱禳輒應建祠以祀之唐宋並有錫命國初釐祀典毀之天道藏輯要

天下名山記  
浙江雪竇李

善

軫集二  
X L 三

順甲申土人復其祠祠後有二石高肩夫人圍倍之罅夾長石如巨鱗罅上一石如擊鱗之狀余與江翁仰睇久之下山西北行二十里涉鄭家渡石流齒齒沒馬腓又行六七里見樹杪雲氣皆颯颯濕白萬峰行雲奄忽四合從者曰雨至盍避諸馳半里許入白巖廟憩焉頃雨歇猶霏霑衣乃緩轡吟行茹奇而咽秀吟哢飛走皆成媚妍將五十餘里有亭翠微榜曰雪竇山岨磴崎嶇愈陟愈峻乃攀藤而上薜蘿蒙茸莫可四望歷數十盤始至望官曲遐矚下方空濶無硃凡官長至寺僧於此望而迎之故曰望官曲山椒有御書亭宋理宗夢遊茲山覺詔職方氏圖天下名山以進閱協厥夢乃書應夢名山四巨字賜寺劄

石又行數百武度一石梁始見寺僧曰今春寺災先朝賜諸經  
典皆燼矣余聞之惻然入山門穿佛殿越講堂方丈層起皆堯  
而方丈則據山之巔榜曰天開圖畫石樓敞豁神宮仙居萬壑  
烟雲聚獻日曉前對萬年塔如筆插几案乃命僧洞開牖扉恣  
展遐眺哺雨霏霏諸峰環碧余與翁對酌載歌孫興公天台賦  
及李白夢遊天姥之章塵祛思造悠然忘歸乃寢於禪床翌日  
褒旣步兩寮之宮石踞花燃種種佳勝徐易巾履出而遊焉羣  
山繚迴天坼城堵厥寺四旁平疇蕃茂中起一石阜廣弗盈畝  
柗柏森蔚海鶴巢之名曰含珠林西行數十武曰錦鏡池今潭  
爲田僧憮然曰昔寺盛時池水瀦百芳週之倒映如錦鏡當時

道藏輯要

天下名山記  
浙江雪竇李

卷

軫集二

名僧輩出應徵召者踵至邇忽涸改池爲田故僧鮮奇寺亦弗  
振又折北行半里登飛雪亭前峙千丈巖巖半懸瀑布泉飛簾  
倒垂下瀉無地瀧溜噴薄川駛雲翻時暘炎寒颼峭冽亟澗酒  
數爵復起而觀飛濤洄涌磅礌砢雷霆震驚弗聞人聲如河  
決駟奔虎旅億萬鼓譟而前也下灌長壑闕怒徐殺乃邈邈瀾  
瀾作白虹北去翁掖余臨巖俯眺而口喏目瞪莫能從已又行  
十餘里曰妙高臺亂石谿紆虎豹攸穴上故有藤龕元高僧曰  
和菴主者巢其中雙虎馴伏大德丁未龕毀余聞寺舊有偃蓋  
晏坐隱秀雲外西麓諸亭菴今並廢所謂桃花坑徐無崖龍隱  
潭丹霞洞之勝故迹存而館榭亡矣四顧頽廢牛山增悲日在



崦嵫乃下山至溪口與翁別午飯淨明寺趨北渡登舟還郡嗟  
乎佳哉雪竇之爲寺也創於光啓盛於咸平表於涓祐所謂丹  
邱屑城夫何加焉余嘗游天下之名叢林矣瑰異神秀若雪竇  
者可多見哉

道藏輯要

天下名山記  
浙江雪竇寺

雲

軫集二